



17 დეკემბერი, 2018

ორშაბათი, №11 (2226)



### ღამღამ 2019 წელს გილოცავთ!



— ახალი წელი გვირგვინს არის დაკავშირებული. ვისუკრავდი, 2019 წელი იყოს ისეთი წელიწადი, რომელიც საშუალებას მოგვცემს, ვინაიდან ამ წლით და ვითქვამთ, რომ უნივერსიტეტი კიდევ უფრო მეტად განვითარდეს, რომ იგი უფრო გამოჩენილი კვლევითი კერა გახდეს იმასთან შედარებით, ვიდრე ადრე იყო.

საუნივერსიტეტო საზოგადოებას — ყველა სტუდენტსა და პროფესორს, ყველა ჩვენს კურსდამთავრებულს თუ ადმინისტრაციის თანამშრომელს ვულოცავ ახალ 2019 წელს. თითოეულ მათგანს ვუსურვებ დიდხანს სიცოცხლეს, ჯანმრთელობას, ოჯახებში სიმშვიდეს... სტუდენტებს — ხარისხიან სწავლებას, კურსდამთავრებულებს — სწრაფ დასაქმებას, პროფესორებს — დიდ მიცნებულ შედეგებს! გაგზავნი თქვენთვის 2019 წლის თანამდევნი იმედი!

გიორგი შარვაშიძე, თსუ-ის რექტორი



ახალი, 2019 წელი მინდა განსაკუთრებულად მოგილოცოთ თქვენ, სტუდენტებს, რადგან თქვენ ხართ საქართველოს ხვალის დღე. მინდა, გისურვოთ წინსვლა არჩეული პროფესიის დაუფლების საქმეში, რადგან მხოლოდ განათლება და პროფესიონალიზმი არის უკეთესი მომავლისა და განვითარების გარანტია. მინდა, მივულოცო უნივერსიტეტის პროფესორ-მასწავლებლებს ახალი წელი, მადლობა გადავუხადო ასეთი ფასდაუდებელი შრომისთვის და ვუსურვო ბევრი წარმატებული და საამაყო სტუდენტი. ასევე, მინდა კიდევ ერთხელ დაუდასტურო მათ ჩემი ღრმა პატივისცემა და ვუთხრა, რომ მათი ღვაწლი სამშობლოს წინაშე უდიდესია. ივანე ჯავახიშვილის სახელობის თბილისის სახელმწიფო უნივერსიტეტის 100-წლიანი ისტორია ჩვენი ქვეყნის ევროპისაკენ და თანამედროვე მსოფლიოსთან ჰარმონიული განვითარებისაკენ სწრაფვის საუკეთესო მაგალითია. ჩვენს უნივერსიტეტში მოღვაწე მსოფლიო დონის მეცნიერების და პროფესორ-მასწავლებლების დამსახურებაა, რომ ქვეყნისათვის არც ერთ სახელმწიფოებრივად მნიშვნელოვან პროცესს არ ჩაუვლია უნივერსიტეტის სტუდენტების აქტიური მონაწილეობის გარეშე, რომლებიც ყოველთვის გამოიჩინებენ პროგრესული მიდგომით. იცით, რომ განათლება ჩვენი სახელმწიფო პოლიტიკის პრიორიტეტია. განათლებული და მოტივირებული ახალგაზრდობა არის ჩვენი ქვეყნის წინსვლის უპირობო საყრდენი. თქვენი ახალი ენერჯით, იდეებითა და ხედვებით თქვენ საქართველოს უკეთესი მომავალი უნდა შექმნათ.

კიდევ ერთხელ გილოცავთ ახალ წელს. წინ, ახალი შესაძლებლობებისკენ!

მამუკა ბახტაძე, საქართველოს პრემიერ-მინისტრი

### უნივერსიტეტში საახალწლო სემინარის



წინასაახალწლო პერიოდი განსაკუთრებით დატვირთულია თსუ-ის კულტურისა და სპორტის დეპარტამენტისთვის. იგეგმება სხვადასხვა საახალწლო პროექტები. კულტურისა და სპორტის დეპარტამენტი 2019 წლის 3-4 იანვარს გეგმავს გამართოს ტრადიციული საახალწლო წვეულება უნივერსიტეტის თანამშრომელთა შვილებისათვის. ღონისძიება ჩატარდება უნივერსიტეტის პირველი კორპუსის სააქტო დარბაზში, სადაც უნივერსიტეტის სტუდენტური დასი ბავშვებისათვის გამართავს წარმოდგენას — „მერი პოპინსი“ (რეჟისორი: გოგი გომურაშვილი).

საახალწლო ნაძვის ხე სააქტო დარბაზის ფოიეში დაიდგმება, სადაც ბავშვებისათვის დარიგდება საჩუქრები — ათასნაირი ნუგბარით სავსე კალათები. თოვლის ბაბუა პატარებს წელსაც გაახარებს.

თსუ-ის სტუდენტური თვითმმართველობა საახალწლო ტრადიციას წელსაც აგრძელებს და სტუდენტებს TSU New Year Party-ზე იწვევს.

### ნომერში

- არსებობს თუ არა სანტა კლაუსი ფილოსოფიურად? 83.2
- უნივერსიტეტის ბაღში ვერცხლისფერი ნაძვის ხის დარგვის ტრადიცია დამკვიდრდა 83.2
- უნივერსიტეტთან დაკავშირებული სტუდენტების საახალწლო სურვილები 83.4
- საახალწლოდ გამხელილი სურვილები - გვესაუბრებიან პროფესორები



83.5



■ რა გაათქვამა? - 2018 წლის შეფასება და სამომავლო გეგმები - ჰვესაუბრება თსუ-ის რექტორი გიორგი შარვაშიძე 83.3

■ თსუ-ის დოქტორანტი საგრანტო კონკურსის შედეგებით კვლავ ლიდერობენ 83.7

■ საგრანტო კონკურსის ყველაზე წარმატებული დოქტორანტი 83.12

■ იაკობ გოგებაშვილის „დედაენა“ სკოლებში ბრუნდება 83.14

კომპანია „ტრი მედია ინტელისჯენსი“ მირი განხორციელებული კვლევის შედეგად, რეკომენდებული 5 ტელეკომპანიის (TV 25, TV რიონი, TV ოლივი, TV გურია, TV დია) ეთარით საუნივერსიტეტო გადაცემებს — „უნი-ვერსიტეტი“ რეკომენდებული მცხოვრები 353746 ადამიანი უყურებს

■ სტუდენტური თვითმმართველობის ახალი პრეზიდენტის ინიციატივები 83.10

■ სენატის ახალი სპიკერი 83.11

■ როგორ აპირებს სენატის ახალი წევრი პრინციპული გეგმებისთვის ბრძოლას 83.11

■ ცნობისმოყვარეობა და ინტერესი, რამაც მეცნიერის გზა განსაზღვრა



83.6





















# გიორგი შარვაშიძე სტუდენტურ თვითმმართველობას შეხვდა

ნაბო ობოლაძე

თსუ-ის VII მონვევის სტუდენტური თვითმმართველობის წევრებმა რექტორ გიორგი შარვაშიძესთან პირველი შეხვედრა გამართეს. სტუდენტებმა თბილისის სახელმწიფო უნივერსიტეტის რექტორთან ერთად შიდასაუნივერსიტეტო პრობლემები განიხილეს. შეხვედრა კითხვა-პასუხის რეჟიმში 6 დეკემბერს გაიმართა.

„განვიხილეთ უნივერსიტეტში არსებული პრობლემები, ყურადღება გავამახვილოთ სწავლის ხარისხზე, სილაბუსების სასწავლო პროცესთან შესაბამისობაზე, უნივერსიტეტის სხვადასხვა კორპუსებში სპეციალური სივრცეების მოწყობაზე, სადაც სტუდენტები თავისუფალი დროს გატარებას შეძლებენ. რექტორს გავაცანით გეგმა I კორპუსის ეზოში მდინარე ვერეს მხარეს არსებული ტერიტორიის მონესრიგების თაობაზე. გავიგეთ მისი პოზიციის და ჩვენი ხედვაც გავაცანით. აღნიშნული პრობლემები



უნივერსიტეტისთვის ახალი არ არის, ამიტომ სწრაფი და ეფექტიანი რეაგირება აუცილებელია. მთავარია, რომ ადმინისტრაცია მზად არის პრობლემების გადაჭრაზე სტუდენტებთან ერთად იმუშაოს. რექტორისა და სტუდენტური თვითმმართველობის წარმომადგენლების შეხვედრა პერმანენტულად გაიმართება. ვფიქრობ, თანამშრომლობის ეს ფორმატი სასიცოცხლოა უნივერსიტეტის განვითარებისთვის“, — აღნიშნა სტუდენტური თვითმმართველობის სპრეზიდენტმა შოთა კეჟერაშვილმა.

შოთა კეჟერაშვილის ინფორმაციით, თსუ-ის რექტორთან შეხვედრის ამსახველი ვიდეო ჩანაწერი უახლოეს მომავალში გამოქვეყნდება და ნებისმიერი დაინტერესებული პირისთვის ხელმისაწვდომი იქნება.

თბილისის სახელმწიფო უნივერსიტეტის VII მონვევის სტუდენტური თვითმმართველობის არჩევნები 25 ნოემბერს გაიმართა. სტუდენტებმა პირდაპირი წესით 140 დელეგატი აირჩიეს.

## სტუდენტური თვითმმართველობის ახალი ზრუზილენების ინიციატივები

ნაბო ობოლაძე

მომდინარე წლის 25 ნოემბერს თსუ-ში VII მონვევის სტუდენტური თვითმმართველობა აირჩიეს. სტუდენტების წარმომადგენლობით ორგანოს, რომელიც მომდევნო 2 წლის განმავლობაში თბილისის სახელმწიფო უნივერსიტეტში სტუდენტური ცხოვრების ამინდს შექმნის, ჰუმანიტარულ მეცნიერებათა ფაკულტეტის საქართველოს ისტორიის (ახალი და უახლესი პერიოდი) სპეციალობის II კურსის მაგისტრანტი შოთა კეჟერაშვილი უხელმძღვანელებს, რომელიც, ამავე დროს, თსუ-ის წარმომადგენლობითი საბჭოს წევრიც გახლავთ. სტუდენტური თვითმმართველობის ახალი პრეზიდენტი VI მონვევის სტუდენტურ თვითმმართველობაში პრეზიდენტის მრჩეველთა საბჭოს ხელმძღვანელი იყო.

„მეოთხე წელი იწყება, რაც სტუდენტურ თვითმმართველობაში ვარ. ამჯერად მეტი პასუხისმგებლობა მაკისრია, რაც ჩემთვის დიდი პატივიცაა“, — ამბობს შოთა კეჟერაშვილი.

სტუდენტური თვითმმართველობის პრეზიდენტი მთავარ გამოწვევად საფაკულტეტო საბჭოებში თვითმმართველობის დელეგატების მუშაობას მიიჩნევს: „ფაკულტეტის საბჭოებში მუშაობისას ვაპირებთ, რომ ვიყოთ ძალიან აქტიურები, შევისწავლოთ მიმდინარე საკითხები, ჩავერთოთ მათ განხილვაში, დავაფიქსიროთ განსხვავებული აზრი და, საბოლოოდ, ეს პროცესი უფრო გავაჯანსაღოთ. მე და ჩემი რამდენიმე მეგობარი ვართ თსუ-ის სენატის წევრებიც. აუცილებლად ვეცდებით, რომ ეს ტრიბუნაც გამოვიყენოთ პრობლემების გადასაწყვეტად. პრობლემები კი ბევრია და აუცილებელია ქმედითი ნაბიჯების გადადგმა“.

შოთა კეჟერაშვილი უნივერსიტეტში ერთ-ერთ აქტუალურ პრობლემად სილაბუსებისა და სასწავლო პროცესის ერთმანეთთან შეუსაბამობას ასახელებს. ასევე, აღნიშნავს, რომ მოძველებულია ცოდნის გადაცემის მეთოდიკა. მიუხედავად იმისა, რომ თსუ-ის კორპუსების ინფრასტრუქტურული მონესრიგების პროცესი დაწყებულია, აუცილებლად მიიჩნევს ყველა საუნივერსიტეტო კორპუსში სივრცეების მოწყობას, სადაც ლექციებს შორის სტუდენტებს თავისუფალი დროის გატარება შეეძლება.

VII მონვევის სტუდენტური თვითმმართველობის წევრების მუშაობის მთავარი პრიორიტეტი ისევ განათლების, მეცნიერებისა და სტუდენტების უფლებათა დაცვის მიმართულებები იქნება. მომავალი წლისთვის ერთ-ერთი მთავარი გამოწვევა საგარეო ურთიერთობების გაღრმავება-გაუმჯობესება და შედეგად ევროპის სტუდენტთა საბჭოსთან აქტიური თანამშრომლობაა. ასევე, გეგმავენ, რომ, გამოცდილების გაზიარების მიზნით, საპასუხისმგებლო მოვალეობები პირველ და მეორეკურსელ წევრებს დააკისრონ.

„პირველად, როდესაც დელეგატებმა ამირჩიეს, ვთქვი და ახლაც ვამბობ, რომ ჩვენთვის მთავარი ღირებულებაა სტუდენტი და სტუდენტის უფლებები. სტუდენტების წარმომადგენლები ვართ და როდესაც პრობლემა ექმნებათ, გამოსავალს, პირველ რიგში, ჩვენ უნდა ვპოულობდეთ. რაც შეეხება პროექტებს, განათლებისა და მეცნიერების მიმართულება პრიორიტეტულია. ახლა საუბარია ხარისხისა და სტუდენტების

ჩართულობის გაზრდაზე. სამწუხაროდ, უნივერსიტეტში ნაკლები საშუალებაა, რომ პრაქტიკული გამოცდილება მივიღოთ, სწორედ ამიტომ ამ მიმართულებით მუშაობას გავაძლიერებთ. ასევე, შევთავაზებთ უფრო მეტი კვლევითი ხასიათის პროექტებს. სტუდენტური ცხოვრების გასამრავალფეროვნებლად, რა თქმა უნდა, კულტურულ და სპორტული სახის ღონისძიებებსაც განვახორციელებთ.

საგარეო ურთიერთობების გაღრმავების გარეშე განვითარება რთული იქნება. შესაბამისად, ევროპის სტუდენტთა საბჭოსთან, აქტიური თანამშრომლობის მიზნით, უკვე ინტენსიურად ვმუშაობთ თსუ-ის ხარისხის უზრუნველყოფის სამსახურთან ერთად. მიმაჩნია, რომ თსუ უნდა იყოს საქართველოდან პირველი უნივერსიტეტი, რომელიც სტუდენტების ყველაზე დიდ წარმომადგენლობით ორგანოსთან თანამშრომლობის ინიციატორი იქნება“, — აცხადებს შოთა კეჟერაშვილი.

შეიძლება ითქვას, რომ სტუდენტური თვითმმართველობის ახალი პრეზიდენტის მთავარი ინტერესი, მიზანი და გამოწვევა თბილისის სახელმწიფო უნივერსიტეტი და უნივერსიტეტში სწავლაა. სამაგისტრო ნაშრომს „საქართველოში პოლიტიკური პარტიების ჩამოყალიბების“ თემაზე ამზადებს, განსაკუთრებით აინტერესებს პირველი დემოკრატიული რესპუბლიკის პერიოდი, რომელიც, მისი აზრით, საქართველოს უახლეს ისტორიაში ყველაზე დიდი წინ გადადგმული ნაბიჯია: „დედა ისტორიის პედაგოგია, ამიტომ ბავშვობიდან მქონდა ისტორიული ლიტერატურაზე წვდომა და ჩემი ინტერესიც აქედან გაჩნდა. უახლესი ისტორიის მიმართულება ავირჩიე, რადგან მოიცავს პერიოდს, რომელიც ყოველთვის ძალიან მაინტერესებდა. 1918-1921 წლები საქართველოს ისტორიაში ჯერ კიდევ ბოლომდე არ არის შესწავლილი და საზოგადოებაში დიდ ინტერესს იწვევს, ამიტომ გადავწყვიტე ამ პერიოდის შესწავლა“.



შოთა კეჟერაშვილი

თსუ-ის სტუდენტური თვითმმართველობა საახალწლო ტრადიციას წელსაც აგრძელებს და სტუდენტებს TSU New Year Party-ზე იწვევს.

„საახალწლო ვეცდებით, უნივერსიტეტში პოზიტიური განწყობა შემოვიტანოთ. მარტიდან კი აქტიურად დავიწყებთ სტუდენტებისთვის სხვადასხვა ხასიათის, საინტერესო პროექტების შეთავაზებას. ვისურვებდი, როდესაც საუნივერსიტეტო საკითხებზე სასაუბროდ შევიკრიბებით, რაც შეიძლება ნაკლები პრობლემა გვქონდეს განსახილველი“, — ამბობს სტუდენტური თვითმმართველობის პრეზიდენტი.

**28 დეკემბერს, თბილისის სახელმწიფო უნივერსიტეტში მეცნიერები**

გია დვარი, ზაად კოკია და დავით დოხთაიანიძე ერთობლივ საჯარო ლექციას წაიკითხავენ თემაზე: „მიგიათა: სამედიცინო, ადამიანი და ტვინი“













